

دار النيل والفرات للنشر والتوزيع

عضو اتحاد الناشرين المصريين رقم 941 / 2018



الكتاب الفائز بالمركز الأول فرع شعر العامية فى مسابقة
شاعر/ أديب النيل والفرات الدورة الثالثة سبتمبر 2018

محمود هُلايل

دموع النورس

أشعار بالعامية المصرية

الطبعة الأولى سبتمبر 2018

بطاقة الكتاب

عنوان المؤلف : دموع النورس
المؤلف : محمود هليل
التصنيف : أشعار بالعامية المصرية
رقم الإيداع : 2018-15663
الترقيم الدولي : 978-977-6656-60-4
عدد الصفحات : 84 صفحة
رقم الإصدار الداخلي : 227
تاريخ الإصدار الداخلي : الطبعة الأولى سبتمبر 2018
الإخراج الفني : الشاعر محمد الساعى
جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب إلا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - 020554372901 تليفاكس:

البريد الإلكتروني: alnilwaalfourat@gmail.com - alnilwaalfourat

المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سنترال 13 - قطار 304

ج.م.ع محافظة المنيا - أبو قرقاص - شرق الزعة - خلف محطة السكة الحديد - هاتف 086214428

ج.م.ع محافظة القليوبية - مركز طوخ - إيمى - هاتف 0132424735

(الفروع)

رؤية الناشر

شاعر / أديب النيل والفرات ، مسابقة مُحررة من كل القيود ،
فى كل أفرع الإبداع (الشعر الفصيح - شعر العامية - القصة
القصيرة - الرواية - التأليف المسرحى - الدراسات النقدية -
الأبحاث - أدب الطفل) لا تتقيد بفكر ، أو تَوَجُّه ، أو سن ، الهدف
منها تقديم المبدعين الحقيقيين للساحة الأدبية مدفوعة جوائزها
بالكامل من حساب دار النيل والفرات دون أى مساعدات - بكل
مسمياتها - من أى شخص أو جهة - حلم طالما حلمنا به -
وتحقق بفضل الله تعالى مع انطلاق الدورة الأولى فى أكتوبر
2017،

ومنذ انطلاقها وهى تثبت فى كل دورة نجاحها بتزايد عدد
المتسابقين من كل أرجاء الوطن العربى ، يفوز فى كل دورة تسعة
وعشرين مبدعا يتم تكريمهم جميعا تكريما لانقا ، ويُمنَح الفائز
الأول والأول مكرر فى كل مجال جائزتى (طبع الكتاب الفائز - ولقب
شاعر / أديب النيل والفرات)

علنا نكون قد وفَّينا بالعهود ، وقدمنا للمشهد الإبداعي مبدعا
حقيقيا ، وللمكتبة العربية كتابا قيِّما يفيد البشرية

ناجى عبد المنعم

رئيس مجلس الإدارة

ضلوع المشربيه

سلم دفاترك للخريف
ايف تباريح الزمن
ع الباقي من عمرك يادوب
وقت الغروب شمسك تدوب
تحضن ف ليك والقمر
والروح بتنده يا القلب
سلم اقلامك واستكين
وارفع سطورك. للسمما
وكأنما
مستنى منها دعوتين

فا اتحن شمسك للشروق
روحك يا واد متشعلقه
متشوقه تحضن ف بكره ميت امل
لساك بتنقش ع الجدار
وبتنحت الحلم القديم
على صخرة اليوم
اللى سافر فى المدى
ضى النهار لساه بيطل
من بين ضلوع المشربية وحسنها
ويداعب الخشب العتيق
ارابيسك ااه
كان لينا علم ومدرسة
ازاى بنحضن بعضنا
تتجسد الروح ف الزمن

منظر بديع
شباك حياة
حلقه بقلوب متعشقة
لساك هناك
فارد سنينك ع المدار
بتدور وتستنى النهار
من شمس بكره المستكينه
فى بؤرة العمر الكفيف
ف يطل نور الفجر كانه بيتسم
فى عيون صبية مكحلة
من تحت ياشمكها الحرير
طعم الشفايف لما ينضح بالعسل
تسقيك بر يقها وعشقتها
ف تدوب فى احضان قلبها

تفرد على اكتافك نعومة شعرها
تهمس خدودك نهدا...المشتاق عنيك
تتدفى فيك.....تتحامى بك
من عين دياهه بينهشوا
من طرف توبها حسنھا
ف تكون لها درع وسلاح
وتعاند العمر اللى بيجافى البراح
وتقوم تداعب همس اوتار الجيتار
تعزف نشيدها المنتشى
تتغنى بيه
تكتب نوتتها
الحبر من قلب الوريد
وتجيب ربيع العمر تانى
من سيمفونية العهد الجديد

اورکسترا کل الفصول. اتجمعت

عزفت بلحنك عمرها

ردیت لروحها حلمها

وهو لسه ف دربها

مخطوف ولید

ف ان مت تحمی عرضها

ف کفایه انک یا فؤادی

تموت شهید

مشاوير

ما بين روحى الى

بتعافر ف أيامك

وتتمنى تحقق

حلم فى منامك

ما بين روحى وبين

روحك مشقة وخير

ما بينهم سكة

مزدوجة ومقسومة

ومرسومة

ولا كنت من المشاوير

فمهما قسيت

وعادتِ وتكبرتِ
تَجَبَّرتِ ..
سجنتِ الحلم
ف حشايا
فجوايه سينين
مُكْتَظَّة بالأحلام
ما هيش هتنام
ولا هاتركها للأوهام
صحيح عشقك
ف وجدانى وخلانى
أهيم ف بحورك
الراكدة بأحزانى
ولو ضعفت اديه
ورجلى ف بحورك

بيخرج قلبي
ويجذف ويبعافر
ويتخبط ف مرساك
وفى صخورك
عشان يوصل
بأحلامه على شطك
عشان يبدر
بذور حُبّه على حدك
لأنك كنتِ مروية
بضمير مالح
وجف ف قلب اراضيكى
خضار طارح
أنا هرويكِ بأديه
ومن نيلك

أنا اللى هموت
عشان اتملى من خيرك
أنا عمرك يا بنت
الأيه أنا سنينك
أنا قَدْرِك
أنا حلمك وتكوينك
أنا المرسوم بلون
طميك على جبينك
أنا ليلىك وانا الفجر
اللى بيشقشق
يشق العتمة
وينور قناديلك
أنا اللى ف عز
الكربه بدعيلك

وميبيت كُرباج
على ضهرى
وأنا برضه مولى
وشى للقبلة وأناجيلك
وانا جيلك
بقرأك وأنجيلك
والملم المى
واوجاعى و احزانى
وأنحتهم واجملهم
ف صورة ناى
عشان أعزف بألحانى
ف مواويلك
ولسه علامة
الكرباج على ضهرى

بترسم لوحة
محفظها ف بروازك
وممضية ومختومة
بنتسجل فى إنجازك
واعجازك..
بأن جراحنا ف البراويز
بنتعلق على جدارك بشكل لذيذ
ولسه برضه بنحبك
ولسه بنفرد الكُبه
ف وش عزيز
وبجرى ساعة
الشدة وبتحدى
تجاعيدى
وشيبة شعرى وسنينى

وأقوم أهتف
بعلو الصوت لأقويك
وأمحي دمة
بتكحل مأقيك
وبتحدى قرار
الضعف والتعجيز
وأرفض كونك
حسبتي من العواجيز
وترويني صلبة
وقوة التلاميذ
ويخرج المي
م الصورة اللي ع الجدران
ويتحول
عصى موسى

وملموسة
تأخذها روى
ومشاعرى ووجدانى
ومن تانى
أكسر ظُلمة البراويز
وأفرد خمسميت
كُبة فى وش عزيز
ولسه برضه جلادك
على ضهرى بيتشطر
ولسه كلابك الضالة
على ظلمه بتتستر
ويتعزم ويضرب
بس أنا صامد
وضرب السوط

بيقوينى وبيعطر
كيان عايش
كما المصلوب
على جسمك
وصالب طولہ
لسة بيطل
على حُسنك
وفارد حلمه
وسلامه على عُصنك
وبادر سكة
المشاوير بزور خيرك
ويصدق فى السماء
غنوة بصوت طيرك
وهيغنى لمين غيرك

ولو مغصوبة على
قهري وعلى ظلمي
أنا هاروي
ضفاف نيلك
ومن دمي
وعمرى ما هشتكى
ألمى ولا همى
أنا علمك أنا
يا امايا مش امى
وعارف رغم
أوجاعى اللى ف سنينك
ها تعرفى انى الضى والله
نور عينك
فوالله فوالله

يا سَجَنَا
فِي الحِشَا حَلْمَى
لَا يَجِي اليَوْم
وَتَاخِديني
ف حِضْنَك
يا أُمّه وتسمى

معتقل

لو كان غرامك مُعتقل
ف القلب متسلسل هناك
وإن كان فى حبك
سكة للموت والهلاك
ها فرد جناحى ف سكتك
إيه يعنى اموت
وتكون نهاية رحلتى
على إيد ملاك
يكفينى اموت وانا با اعشقك
رغم إن ظلمك سهم صاب
لكن ب اعود

واغزل غرامك مييت وريد
وارجع فى محرابك وليد
تحاكمنى تانى محبتك
يا بلادى مجذوب حضرتك
واتمنى اعيش
درويش ملازم زفتك
وقت احتضارى ف عزتك
اية يعنى اموت
وافدى بحياتى دُنيتك
وان كان على سوء الأدب
ما تأخذنيش
سطين وجع وكتبتهم
يابلادى عفوا حضرتك

ف ماتر عليش

الفجر

الفجر رافض يترسم
على صَفْحَتِكَ
فَ اللَّيْلِ يَطُولُ
وَالْعَتَمَةُ تَسْكُنُ دُنَيْتَكَ
وَلَأَنَّى مَاشَى فَ سَكَتِكَ
يَتَخَبَطُ الْحَلَمُ
فَ دُرُوبِكَ يَنْكَسِرُ
الْقَلْبُ رَسْمِكَ نُورَ عَيْنِهِ
لَكِنَّهُ فَ الْآخِرُ خَسِرَ

خسران لروحه
لما تنوى الأعتكاف
صَلَّتْ ف محرابك
طَعْنَهَا الأختلاف
خسران خطاوى
اتحملت جَمْرِكَ أَلَم
توصلَ لبحرك
لَقِيْتَهُ صَابِهُ الجفاف
خَسِرَان كُفُوف
كَانَتْ بِتَمْسِح دَمْعِكَ
فَ كَوَاهَا دَمْعِكَ
شَوْه معانى الأنتلاف
خسران لصوت
بِيعْنِي بِيَه يَوْم فَرَحَتِكَ

فَ قَطَعْتِي حَبْلَهُ
لأجل ما يبطل هتاف
خسران سماعَهُ
لكل مواويلك نغم
صابه الشجن
واتداری ف حطائك وخاف
خسران جسد
وهبة لتكوينك حياة
صابه الحسد
فخر واتشال ع الكتاف
خسران حياة ...
.خسران عفاف...
ف ما تسألش
وواقفة لیه تستغری

ولا تنطويش
من حلمنا ولا تهربي
الفجر كان دائماً يذكرك
لما كان طرحك آبي
يغزل ف عين
الطيبين سطرين امل
ساعة هلاك ما اكتمل
صوت الأذان
كان هو سندك والحرس
كانت ترانيمك
في رنات الجرس
كات وحدتك اقوى لجام
علشان
ما يجمحش الفرس

ما تقولى ليه
صوتك خرس
ما تقولى ليه
عَزمك خلص
يا فجر وبحق الاله
يا فجر وبجاه النبى
اذن وسمى ف ودنها
ما تاخذش حد بذنبها
وعلى العموم انا ضيها
انا ذيها
انا حُضنها
الداقى قوى
ولا شوفت
حد ف سحرها

رغم السكون
اللى اترسم
رغم النهار
اللى اتقسم
سابق عليك
والف كل الأضرحة
لاجل ام يسكن
نور صباحها ف سكتى
يا فجر رجع كونيتى
ولا تنطويش
ف اقدر اعيش

أيوب

ملينا بصبرنا جروحنا
ودوبنا ف قسمة المكتوب
يادوب الفرح بينادى
سمحناله يكون محبوب
فتحنا له ببيان روحنا
لقينا الحب مات مصلوب
فرشنا الصبر سجادة
وكالعادة
النسيج مضروب
وزنا الحلم ع الكفة
ميزان العدل نام مغلوب

فَعِشْنَاهَا بِأَلَمٍ يَجْرَحُ

قُلُوبِنَا

وَسَمْنَاهُ أَيُّوبَ

إتعاڤى يا صابره

لساكى صابره
والوجع فيك
د انا كل يوم ب اكتب
لأجل ان ارضيكي
سطرت لك روحى
والحبر من دمنى
ما تقومى يا امى
اتصابى واتعاڤى
اتكى ع اكتافى
عودي كما كنت
لا جفينا يوم عزتك

ولا ف التعب هونتي
ولا كنت لقمة طرية
فى حلق حُسادك
ب الله تجافى الألم
يوم ما المرض عادك
حزنانة ليه ع الولد
ما هو يا امه ف الجنة
ع الحور كانت زفته
وبمسكك اتحنى
الفرض كان عفته
اخلاقه م السنة
حزنانة ليه يا امه
والصبر لون نيلك
والعزة منحوتة

على صدر ترتيلك
قومي اصلي حيالك
من مجدك اروينا
دى الزرعة من اسوان
تطرح شموخ سينا
اذن بلال فيكي
دق الجرس مينا
دم الشهيد لو جف
يسقى النضال فينا
خط الحياة فى الكف
مفروود على قدك
وان داسوا يوم حدك
نفديكى بعنينا
ياللى تجافيهها

طمعان فی ایه فیها؟

طمعان فی کُرسیها

حالف تفجرها

وقتلت احرارها

سَبَّیت کنایسها

ولعنت أزهرها

جَرَفَت لیه دینها

وقطفت أزهارها

نصبت نفسك الیه

دایر تکفرها

وحسبتنا او غاد

من ضمن کُفارها

یاللی استباح دمی

والله ما تکسرها

اضربنى ميت طلقة
فَجَرْنى ميت مرة
الروح تعود صادقة
راجعة تجيب تارها
اتعافى يا امايه
واتباهى بعيالك
روح الشهيد تشفع
هى اللى بقيالك
مفرودة ف سنينك
وهايمة ف الملكوت
وان كان مصيرنا الموت
فَ الجنة لون شالك

دموع النورس

مفروود سكون

الحلم بالترحال

موال بيهجر

غنوته للتيه

رافض خضوع

الحرف للألحان

لما استباحث

غنوته حكاويه

يا الروح يا هاجرة

من بدن هزلان

فرحان بيعزف

لحن ع المقسوم
لما استكان
الحلم فى الوجدان
ظالم لنفسه
..لأنه عاش مظلوم
وتر الكمانجة
اللى اتصلب بالزيف
بيشْب نوره
ف عتمة الزنازين
كافر بكل
قواعد التزييف
رافض يدندن
غنوة تحريف
والرق جافى

الدق م الرقاق
ترياء حياته
انه يعيش مشدود
مولود كنغمة
بسمة للأحزان
ليله بيصهل بُكى
رغم الدموع ..محسود
يا سيمفونية عهرك الأبدى
على صوت أنين الناي
صراخ العود
بيعود ينادى
حلمك الهربان
بالطول بيخطى
ظمنة القضبان

وعلشان فؤادك
نبضه فيه الروح
مرة بينبض شجن
والف مرة يروح
مجروح وشابط
فى سفينة نوح
دمعة شراعه
كيف جبل مجروح
جمعت كل
اللى اتقسم فيكى
جذرك رمانى
ك انى فيه مطروح
بحرك غوانى
النورس العشقان

وف مَد جوفك
زى طير مدبوح
مسموح لكل
اللى استباح حُسنك
غصنك يداعبه
والجسد مطروح
ف باروح
وبلمس شعرك العذرى
ابن الزوانى
يقوللى غير مسموح
يا معلمنى الشعر
والأوزان
حبل المعانى
انشد فى جبينى

والصبر من قلبى
وتد مغروز
قفيت سنين
الغلب بسنينى
يا (فاعلن)
دينى هو دينى
متفاعلن
مع شطر تكوينى
سطر الأيمان
فى الروح
هجره بيكوينى
يا معلمنى الحروف
مين اللى يسقينى
مُر الكلام فى الجوف

دَمَعْتُهُ مِنْ عَيْنِي

كل الكلام اتقوااال

يا مطلعین

..... عینی

كل الكلام اتقال

و فردته علی شالك

وحياة عذاب الهجر

مجلود بترحالك

سلسال و سال دمه

من صلب سلسالك

لأستر مفاتن

جسمك الهالك

وأغزل بروحي

وطن واطرزہ ف شالك

شاهد عيان

أروى ضفافك

بالحكاوى والزجل

وأروى غيطان

صبرك يانيل

فدادين أمل

كتبوك قصايد

والكلام فيك ارتجل

غنوك وطن

واستخسروا فيك العمل

ارجع يا نيل

بالزكريات يوم زفتك

بيجهزوا
ست البنات
ملكة جمال
زفوها ليك
شبكوا شبابها بعزتك
كان لك غرام
جوه القلوب
فاق الاحتمال
شاهد عيان
بتمر بيك الأزمنة
ها استسمحك
واحكى بلسانك شكوتك
لما ان صبح
كل البلاوى ممكنة

الصدر ضاق
لما استباحوا حُرمتك
وطنك يا نيل
نبض الحياة
كان لك هبة
والمركبة
فاردت شراع حنيته
ركبوا القراصنة
وخطه كات مترتبة
لأجل ام تقلب
موج كيانه وكونيته
ابنك يانيل
واقف
على حدود البلد
صدره وعينه

كان اتجاههم للعدو
ووصية أمه بتندهه
.وطنك أمانة يا ولد
ما تسبش فرض
وكل ركعة تحمده
الغدر صاب
والخسة جات له
من ورا
والخونة يتداروا
ف جحور زى الفيران
عامل أسد
مع انه
لابس توب مرة
والله الحريم
ارجل من

الندل الجبان
عين الشهيد
ساعة زفاف الروح بكت
لا ف مرة خافت
م الخيانة ولا اشتكت
الدمع..... فرح
اشتاق لجنة ربنا
لما الملائكة اسقبلوه
..الكون سكت
يا مصر ب الله
ع الغزاه تستأسدى
يا مصر ب الله
تحمي نيلك م العطش
ثورى على الخاين
وحاكمي واجلدي

علشان طموحة
فل فى الأرض وبطش
يا نيل بعزة
من رعاك وخلدك
*لا ارويک بدمى وانجدك
واسقیک بروحی
لأجل تبقى عزتك
مصدر حياة

ثورى

الحلم الساكن فى حشاك
والعمر المفروود جواك
واملنا المنحوت من بكره
والروح اللى بتصبح ذكرى
والدم الطاهر فى ترابك
والعزة اللى بتحرس بابك
بيموتوا فداءً لشبابك
والكلب ابن الكلب الخاين
عايش ببيبرطع فى دروبك
وبيغزل قوته من توبك
وبيبنى حصونه من طوبك

ونزفتى دموعك بدماعى
ولولاكى ان الطيبة ف شمسك
والغد المرسوم من امسك
بيسامح و يصلح نفسه
ما تثورى يا بلدى وتتعافى
كفياكى الصبر الى قتلنا
بيكفن علمك ابطالنا
انحرى فى الكافر طغيانه
وايمانه ان دماء الشهداء
قربان للجنة وانهارها
ينهرها ان سألت عن حاله
ان كان ع الموت اشتقنا له
وان كان ع الأرض هنعميها
بس انتى تثورى ع الظالم

وتصبى العزة ف اوطانا
وجنودك شهدا حسبناهم
والعطر الطارح بدماهم
يرويكى حياة

التحويجه

ضَى دارنا يعنى إيه

والليالى الدافية فيه

ضل تكعية حيانا

لما بتحابى عليه

لون خضار الحب طارح

والمطارح طالة رحمة من عينية

وف عينية الأم ساجدة

وف تسايحها دُعاها

صوت نداها كان أذان

واما هان الكون عليها

طمى نيلها ما استهان

واما ثار النور فى جوفها
صَحْن دارنا كان ميدان
حُضْن امى كان سُهادى
وكان ودادى..وكان فؤادى
لما ساع الكون بحالُه
كان بريحة طين بلادى
كان صروح العزة فيها
طيف شُمُوخ الأهرامات
واما اغوص فى سكون عينيها
يعزف النيل السكات
واما مات الحرف فيَّ
واما ضاق الكون عليَّ
خَطَّت الصبر ف جبينى
فاردت العمر ف سنينى

لفلقتنى فى العباية
لبستنى توب ابويا
من زقاق العطارين
لما صب الورد عطره
ندى عمره ع الجبين
رش ريحة بن فينا
لأجل م يصحى الضمير
لما حوج فينا صبره
بالمحبة والحلال
مسك توبه كان بريحة
التصوف فى الحسين
وف جمال خان الخليلي
وبتراث النبض بيه
نبض مصر الساكنة فيه

ريحة ابويا ف نيل بلادی
لما شق الكون بخوره
هَب عطره وظل نوره
حَمَل الأخوات أمانة
أخت ساقية وأخ بير
يرووا عطش الكون مَحَبَة
تنبت الدنيا بخير
ورث ابويا فينا طير
يجمع الرملة بسينا
يبنى فينا حب طيبة
العشيقة والحبيبة
يفرد الدنيا بجناحه
فوق سمانا بالأيمان
واما عُرد فينا صمته

صوت أبويا ما استكان
ورث أبويا فينا عزة
والمحبة والحنان
والأيمان اللى ف عزيمته
والتعلم م اللى فات
حب أبويا وحب امى
ورحمة لاختواتى البنات
واما فجأه الأخ مات
سكنت الأحزان بدارنا
والجدار هده السكات
ابن قلبى..وابن روحى
وانكسار الظهر فيّ
وأرتطام دمعى بألمى
موج وكاسر للسنين

لما بحر العمر موجه
يهجر الشط بمداه
واما تاه ف الجزر صبرى
كان حشايا أرفض قضاءه
كنت اناجى ربى وادعى
يوم ما ييجى الموت يزرونا
هات لنا أيوب معاه
لكن أمى لسه صابرة
لبستنى توب أبويا من جديد
طَعَمَت حُزْنِي بِصَبْرِي
علمتنى ان النهاية ..مش نهاية
وان آخر العمر لحظة للبداية
والمخاض من رحم دُنْيا.. دُنْيا ثانية
والجنين اللى ف حشاها

شق فجر الليل فى ثانية
ضى دارنا كان مسامح
لما صالح فى نفسى
نور بيمحى هم أمسى
كان لى جابر فى انكسارى
وانهزام النفس فى
كان ك تحويجة كرامة
جوا تكوينى اللى صاغه
ساب فى روى ميت علامة
نور وساطع من جبين الدنيا درة
علمتنى أمة دينى
والحياة سكر ومرة
علمتنى معنى كلمة
يا بلادى عيشى حره

المشقة

فكى حبال المشقة
عن جيدك المغلول عمدا
والا انت لسه مصدقة
الحبل زينة من ياقوت
والمشقة كردان ذهب
لسانى جواكى أسير
بشرب مرار الكيل عسل
لسه مابين روى الشهيدة بصبرها
وبين شواشى جنتك
سطين أمل
الحلم لسه ما اكتمل

ف اغتصبه طغيانا
وقهرا وافترى
شبح الكابوس
اللى تجبر وافترى
يا هل ترى..ايه اللى جرى
بنمد خطوة للأمام
اتاريننا خدنا ها لورى
فكى حبال المشنقة
متشرنقة ف حضن الزمن
مصلوب على جدار الأمل
حلمى الشريد
وليد..نموه ما ابتدأش
لكنه عاش
يحلم بيوم ما تهدى

وتجدد العهد القديم
ضمية على صدرك قوى
وعلميه
ازای یناجی ربنا
وازای یصلی
رکعتین وقت الضحی
واللیل اذا جن وسجی
تصحی بقیام اللیل حیاة
وتصلی ب الروح رکعتین
بس اوعی تنسی ..توتری
وتعلمیه ..وتسمعیه صوت الأذان
طهر الجوامع والکنایس والعلم
وعلمیه ازای یعیش ماسک قلم
ازای یداوی الجرح ویعادی الألم

فكى حبال المشنقة
الشمس لسه مشرقة
تروى غيطان يأسك بقا
متشوقة
تحصد ضياها بضحكك
تهمس ف موج بحرك يعود
بعد الرحيل تحضن شطوط
تستنى بعد غياب لقى
فكى حبال المشنقة واتحررى
والله ممكن تقدرى
تسقيننا من روحك حياة
ارواح وموصولة بروحك ع المدى
قومى انحرى غل العدا
لو تنتهى راح انتهى

وكان عمري ما ابتدئ
فكى حبال المشنقة
واكون سلاحك والدروع
لو ثورتى يوم ضد اللى خان
واللى استباح عرضك وهان
واللى ب دمانا وحلمنا يوم استهان
لو ثورتى يوم
ان شفتِ حسرة قلب ام
ابنها مات ع الحدود
او ف الميدان
او تسمعى
ساعة سكون الليل بكى
طفل اشتكى
علشان ابوه ميت جعاًاااان

الشمع الأحمر

ما تفكر يش حُبكِ بصيغهُ ف كلمتين
او شطر كامل يوصفكِ بين السطور
روح القصايد كُلها وعشق السنين
ما يكفكيش صور الجمال وسط السطور
يا احلى حور.. مالكة كيانى ب ضيها
من حسننها من رقة فى توب العفاف
القلب طاف حاوالين مقامك وانجلى
حليت فى محرابك جميع الأسئلة
حتى اسألى وروحى لكل الأوليه
تلقي دموع عشقى بنداها ع الحيطان

تلقى روجى هايمه بتطوف المكان
روحي اسألى سطح الجيران
ناصية حارتنا والرصيف اللى اشتكى
حُبك ماهوش حبة بكي حبك
وسهرة ف عيون القمر
قدر حبك
كان أحتلال بالمختصر
ما تفكريش أنى ل كيانك هاختصر
ممكن اموت
ولا اشوفش قلبك ينكسر
قلبك حياة.. تريائه اوكسير الخلود
قلبك نجاة.. قلبك مداه فاق الحدود
قلبك ودود.. بسمه شفايفك ع الخدود
جُمار فى نخلة دُنيتى
يا لوعتى ساعة ما بشتاق للورود

لازم اعود

وافرش ف بستانك غرام
حُبك ماهوش هجر وملام
حَطت فراشات اللقى على زهرتك
شمت رحيق المسك بيندى الجسد
خافت عليكى م الحسد
فاردت سماها طيف ربيعك الف لون
ريحان شقاوتك لسه طال مالعيون
رشقت سهام العشق فى القلب الحنون
صابنى الجنون..

من سحر مرسوم ع الجفون
وأنا ايه اكون..

اوعى تسببىنى للضياع
لو تهت مرة ف سكتك

ما سواش بتاع
واربط دماغى ف لوعتك

واشكى الصداع ف
ف لغيت ف حُبك

م القاموس كلمة وداع حبك
لَميت حروفى كُلها وحلم السينين
لَميت حروف العاشقين
ووشمتها ع القلب رسمك
شَمعت قلبى بدنيتك والختم اسمك
ف ماتسألش
أنتى اللى راسم سكتك فوق الجبين
ما تفكرش

حُيك ووجدانك اصيغه ف كلمتين

أبين زين

وأضرب ف الودع أسرار

أشوف البخت والطالع

واكون درويشك الساكن

على اعتابك

فى حضرة بابك المرمم

أطوف بالذكر واتعطر

والف مقامك الذهبى

والمس بابيه بكفوفى

وأغزل توبك العذرى

ب حروف نوبى

وازهد فيه ب جمال صوفى

وأدوق خمريك المطهى
ف ضحى اسوان
قناوى وقلبي راح ينبض
بلون سينا
وشرقاوى الكرم فينا
وبحراوى النسب والشان
ولو صابنى ف طريقى الضيق
ف ميت يهد انى مش زمقان
واخزن همى
فى الطاقة اللى ع الجدران
واجافى البرد فى الحاصل
واكون واصل
ما بين نيلك وبين ليلك
حمام فى الكن وهديله

ينادى الكون .. ينجيله
ينظم فيكى ترتيله
ويرمى للودع قرشين
ف أبين زين
واشوف الطالع المرسوم
فى وجدانى
فى عين القاصى والدانى
اشوفك مصر من تانى
بلاد طاهرة بلا تحريف
وصدقك سهم راح يرشق
فى عين الزيف

محراب العدالة

العدل اسمك
يا عظيم الجاه
قسط الحياة
وبيعدل الكفة
خلق الرسول
المصطفى ولقياه
للصالحين والأوليا
ببوجه الدفة
بين الكواكب
والنجوم ف سماه
روح الملايكة

وذاد من العفة
مكتوب على
جبين البشر لو تاه
الظلم فيكم
هيف ميت لفة
*يا محكمين العدل
فى الملكوت
لا تُخسِرُوا الميزان
ما بين الناس
لو كان فى محراب
العدالة سكوت
لا يبقّى فيه محكمة
ولا يبقّى فينا خُلاص
ان كان مصير

الأمنين الموت
وغدر خان .
اعمى بلا احساس
لا اصرخ وانادى
لو حتى راح الصوت
المولى قال .
الدم ثمنه قصاص

نور النبوه

يارب صلى على الحبيب المصطفى
نور النبوة ف مولده نبع الصفا
والكون تجمل فى لُقَى معنى الوفا
وسط الجبين نور الهدى شق الظلام
صدق المنام فى رؤيا أمك يا غلام
انك عظيم الشأن معصوم م الحرام
مولود يتيم والكون بجاهك مكفى
لما ان دخلت ديار سعد يا رضيع
أنت اليتيم صاحب مقام على ورفيع
خلّيت حياتهم كلها موسم ربيع
والبركة حلت ف الضروع بعد الجفاف

يا طَرَح أخضر بذرتَه ف رحم العفاف
يوم مَولَدك رحمة لسنين كانت عجاف
ياللى اصطفاك المولى والحق السميع
مَولود بَدِيع والحُسن خاتم ع الجبين
حتى الكناية ف أمتك صادق أمين
سَيِّد البشر خاتم لكل المُرسلين
الله أمر نورك يفوق نور القمر
تمحى ظلام المُشركين ويكون إيمانهم بالقدر
حامل رسالة ربنا يا ذرة ف جبين البشر
دينك يا سَيِّدنا النبی رحمة لكل العالمين
يا مُسلمين صلوا على سيدنا الحبيب
المُصطفى أبو قلب أبيض م الحليب
طاب الفؤاد بمحبته أجمل طبيب
هو النبی ابن الكرام ولا كذب

هو حبيب المؤمنين هو ابن عبد المطلب
هو امام المرسلين..تَبَّتْ يَدَى أبى لهب
توعده رب البريه المنتقم وهو المُجيب
ومن العجيب إن الطيور بيك عُرِدَتْ
أما النفوس الجاحده اتعكرت وتَجَبَرَتْ
وبصدقك المعهود يا سيدى أنكرت
حتى الحصى يشهد رسولنا والشجر
انك ختام الأنبيا وبرقتك لان الحجر
واللى افكر إن الرسالة راح تموت قلبه اتحسر
أمة قائدها المصطفى شمعته قايده ما انطفت

رَوْضَةُ الْحَبِيبِ

تطوف الروح على

الرَّوْضَةَ فَتَتَشَافَى

وَتَتَعافَى

فَ يَخْشَعُ قَلْبِي يَا طَه

وَكُلَّ جَوَارِحِي

طَالِبَةَ التَّوْبَةِ مِ الْمَوْلَى

فَ نَوْرِ اسْمِكَ سَكَبَ

دَمْعِي فَ وَضَاهَا

فَ صَلَّيْتُ رَكَعَيْنِ لِلَّهِ .

وَيَا هِ عَلَى نَفْسِ زَكَاهَا .

تَكُونُ لِلْعَالَمِينَ مَنَهِجَ

فهذيها وسواها
نشأها نُطفة بتنور
حشا أمه فى رؤياها
جَنين الرحمة والعزة
ل بنى الدنيا وسُكناها
وليد مكه وبنى هاشم
وفَجَر الأمة وضُحاها
حَبيب الخلق يا طه
يتم الأب فى الدنيا
حبيب الولى فى الملكوت
وصوت الأمة وسكونها
رَضيع بنى سعد وعيونها
فشق المولى عن صدرك
وشال النُطفة من قلبك

فَ كُنْتُ الصَّادِقَ الْمُرْسَل
وَكُنْتُ نَجَاة
لَجَهْلٍ بَظُلْمِهِ يَسْتَرْسِل
نَبِيَّ اللَّهِ صَفَى اللَّهِ
فِي غَارِ الْوَحْيِ يَتَأَمَّل
سَكُونِ الْكَوْنِ وَتَغْرِيدَهُ
وَمِيزَانِ خَلْقِهِ وَمِيزَانِ سَيِّدِهِ
وَمِيزَانِ رَفْعِ السَّمَاءِ وَالْأَرْضِ
وَمِيزَانِ بَسْطِ الْحَيَاةِ بِأَيْدِهِ
نَفْسٍ دَاخِلِ نَفْسٍ خَارِجِ
فَ مِيزَانِ نَظْمٍ لَهُ تَنْهِيدُهُ
وَمِيزَانِ شَقِّ الْبَحَارِ فِي الْكَوْنِ
نَكُونُ لَهُ خَلْقُهُ وَعَبِيدُهُ
فَ جَاءَ الْوَحْيُ فَادْتَرَى

وقام للعالمين يُنذر
فَ شقّ النور ظلام الليل
ولاح الفجر واتحنى
بنا الأمه ورباها
ما بين الفرض والسنة
يا خاتم كل رسل الله
على تاج الحياة درة
اعود م الروضة بدموعى
لكن روى تعود حرة
حبيبى يا رسول الله
سلاماً يا حبيب منا
سلاماً يا رسول منا



إصدار	عنوان الكتاب	التصنيف	المؤلف
1	ترتيل البوستات ج 3	أشعار	ناجي عبد المنعم
3	العفريّة الشقية	مسرحية	ناجي عبد المنعم
6	ظمى لا زبد	أشعار	د. عبد الحليم هندواي
7	أبو الطيب المصري	أشعار	عبد الله الشوربجي
12	أنين الروح	أشعار	جيهان عبد الرؤوف
14	أشجار الخوف	أشعار	رضا أبو الغيط
17	بحر العشق	أشعار	مسعد خليل
20	مدمن ضرب	أشعار	سمير موسى
23	عن التواصل الأدبي	دراسة	د. يسرى عبد الغنى
24	حميسة	قصص	عبد المنعم شرف
32	إنكسار حرف	أشعار	محمود هليل
35	أبويّا مات	أشعار	محمد حمدي
36	إهدى عليا	أشعار	سميرة محمودي
41	مسرح خيال الظل	مسرحية	سمير حماية
43	أكبر وهم	أشعار	محمد الفلكي
48	حكاية عمرى	أشعار غ	نبيل نجاح

51	شارع سيدى لاشين	أشعار	محمد سغفان
52	بدون مونتاج	أشعار	محمد السيد سعد
56	الليلة الأخيرة	قصص	عبد الإله الديب
57	أوتار الحروف	أشعار	حسن حمدى البيوميه
59	منتهى العقل	رواية	محمد البنا
63	كروان بلا لسان	أشعار	حسن الأقصرى
66	جدران الماضى	أشعار	أحمد حلمى
68	عمل المرأة	بحث	د. مصطفى يسرى
71	الشيخ العاشق	أشعار	عبد الحليم الزلوعى
73	العفاريت لن تحكم المدينة	قصص	نهى يسرى
74	مين حبها قدى	أشعار	وليد المصرى
75	العرافة	سباقيات	سماح هلال
78	حبك يكفينى	أشعار	مسعد سليم
83	رتاج الشمس	أشعار	أحلام غانم
84	سبتمبر 96	أشعار	محمد الساعى
85	الزمكان	أشعار	عمرو المصرى
88	أوراق مبعثرة	خواطر	د. حسنى ريس
89	فضفضة شهيد	أشعار	هناء حواس
90	حلم فى تابوت	أشعار	ياسر عيد
92	ابتسامات القدر	رواية	إبراهيم السمرى
96	وهم على وهم	أشعار	أيمن العشرى
98	الكنز	قصص	يحيى أبو عرندس
100	من نبض قلبى	أشعار	فاطمة عجيبة
102	محطة خوف	أشعار	أحمد هلال

105	نجمتين وسبيل	أشعار	خالد إبراهيم
106	نبض مهرة	أشعار	زينب الشاذلي
111	صلوات في معبد الجرح	أشعار	محمد عبد الحميد
119	تحت ظل شجرة	قصص	عبد الله ع شماوى
122	بيعدوا أملاكى	أشعار	علاء الدين على
124	الأعمال الشعرية الكاملة	أشعار	أحمد إسماعيل إسماعيل
125	صديقتى تسعه	رواية	سميره ارميا
136	مولاي	أشعار	جهاد زيادة
138	نبضات من حنان	أشعار	م/ حمدي عثمان
140	موعد مع بغداد	أشعار	صباح الجميلي
142	كن مبدعا	دراسة	د. رولينا عمر البدوي
143	أرجوحة الليل	أشعار	أحمد الخويلدي
144	مباراة المائة يوما	رواية	حازم محمد حلمي
154	ينابيع الحكمة	أدب طفل	د. نعمات إبراهيم
157	حلم فاقد الذاكرة	أشعار	عمر السوهاجي
158	وشوشات الليل	أشعار	د. عيد حجازي
169	على ذمة عاشق	أشعار	هناء أبو شنيف
174	آخر صورة	أشعار	محمد البياع
178	الحب النهارده	أشعار	محمد إمام لطفى
182	شخابيط قلم	أدب طفل	شحات خلف الله
189	طعم الوجع	أشعار	فهيمى على ناصر
191	عطر الحروف	أشعار	سعيد كمال إمام
194	ابتهالات قلب	أشعار	سالم عيدروس
197	دقيقة حداد	قصص	محمود أحمد على

204	انشطارات	أشعار	وليد العشرى
205	الفنون الإنسانية	بحث	محمد حسن هلال
206	مخاض القصيد	أشعار	أحمد أبو عاصم
207	على عليوه	أشعار	مصطفى بسيونى
210	حبة سكات	أشعار	إيمان بشناق
211	دموع على جسر الوجع	أشعار	محمد ضباشه
213	غواص فى بحر الألم	أشعار	محمود البحيرى
215	ضحكة فوق وش الضى	أشعار	راضى الطهطاوى
216	محطات إنسانية	مقالات	أشرف بدير
223	موسوعة كتاب روائع الومضات الجزء الأول	ومضات	أيمن خليل
225	بهذا أوصانى والدى	أشعار	هانى أبو مصطفى
226	ماتيسر من العشق	أشعار	تهانى فؤاد
227	دموع النورس	أشعار	محمود هليل
228	ذهب الليل وطلعت روحنا	أشعار	إسماعيل شتا
230	سفر الموت	قصص	نرجس عمران
231	مين فيهم عمل إيه ؟	مسرحية	سامح سليم
232	قصد وقصيد ورؤية سيمولوجية	بحث	إزدهار محمد ناصر
244	الدائرة المفتوحة	قصص	ماجى صلاح
247	رباعيات حلم ضائع	مسرحية	أيمن عبد الحميد

محتوى الكتاب

2	بطاقة الكتاب
3	رؤية الناشر
4	ضلع المشربية
9	مشاوير
20	معتقل
22	الفجر
28	أيوب
30	إتعاى يا صابرة
35	دموع النورس
42	شاهد عيان
48	ثورى
51	التحويجة
58	المشقة
63	الشمع الأحمر
67	أبين زين
70	محراب العدالة
73	نور النبوة
76	روضة الحبيب
80	من إصدارات دار النيل والفرات
84	محتوى الكتاب